

TERMA RUJUKAN

KEAHLIAN MAJLIS EKONOMI DIGITAL DAN REVOLUSI PERINDUSTRIAN KEEMPAT (4IR) NEGARA (MED4IRN)

Latar Belakang

1. Majlis Ekonomi Digital dan Revolusi Perindustrian Keempat Negara (MED4IRN) ditubuhkan dengan tujuan untuk menyelaraskan agenda digital negara, seperti mana keputusan Mesyuarat Jemaah Menteri pada 28 Ogos 2020.
2. Sekretariat MED4IRN adalah MyDIGITAL Corporation, sebuah syarikat berhad menurut jaminan (*company limited by guarantee* – CLBG) yang berperanan sebagai pejabat pengurusan perubahan strategik.
3. Mesyuarat MED4IRN yang pertama telah diadakan pada 10 November 2020. Sehingga kini, MED4IRN telah bersidang sebanyak 6 kali.
4. Antara perkara-perkara penting yang dibincangkan dalam MED4IRN terdahulu :
 - a) cadangan pelaksanaan Identiti Digital Nasional (IDN);
 - b) kemajuan Pelan Jalinan Digital Negara (JENDELA);
 - c) *National e-Commerce Strategic Roadmap* (NESR) 2.0;
 - d) penubuhan *Digital Investment Office* (DIO);
 - e) penggubalan *Omnibus Act – Public Sector (Data Sharing) Act*;
 - f) pendigitalan Sistem Pendidikan Negara;
 - g) pelaksanaan *Malaysia Startup Ecosystem Roadmap* (SUPER) 2021-2030;
 - h) Pelan Tindakan Teknologi Dron Malaysia 2022-2030 (MDTAP30);
 - i) penubuhan Jawatankuasa Ekonomi Perkongsian (*Sharing Economy*)

Peranan MED4IRN

5. Secara umumnya, MED4IRN yang dipengerusikan oleh YAB Perdana Menteri ini, berperanan menentukan hala tuju ekonomi digital dan teknologi 4IR negara, dengan disokong oleh Ahli Majlis yang terdiri daripada Menteri-Menteri, wakil daripada pihak swasta dan akademia/kumpulan pemikir.

6. Kerajaan Perpaduan pada Mesyuarat Jemaah Menteri bertarikh 12 April 2023 telah bersetuju agar skop bidang kuasa MED4IRN diperluaskan sepertimana perincian berikut:

- (i) merangka strategi dan kepimpinan dasar dalam usaha menjana nilai ekonomi baharu berasaskan digital, teknologi, inovasi dan lestari untuk negara, rakyat dan alam sekitar;
- (ii) memperluas skop bidang keutamaan MED4IRN meliputi peranan terhadap bidang berikut:
 - a) Ekonomi Digital seperti yang digariskan dalam Rangka Tindakan (*Blueprint*) Ekonomi Digital Malaysia (RTEDM); dan teknologi Revolusi Perindustrian Keempat (4IR) seperti yang digariskan dalam Dasar 4IR Negara (D4IRN);
 - b) projek berimpak tinggi yang memaksimumkan penggunaan teknologi digital dan 4IR untuk:
 - 1) mencapai matlamat *Sustainable Development Goals* (SDG) yang berkaitan dengan digital dan teknologi 4IR;
 - 2) mendorong penciptaan pekerjaan, bakat digital, pertumbuhan dalam pelaburan digital dan sebarang pemangkin/pemacu lain yang menyumbang kepada pertumbuhan ekonomi digital; dan
 - 3) mentransformasikan digital sektor awam dan inisiatif digital/4IR di semua kementerian/ agensi;
- (iii) berfungsi sebagai platform penyelesaian masalah dengan sasaran, antaranya:
 - a) mengatasi isu pelaksanaan yang menghalang kejayaan pelaksanaan berkaitan digital dan 4IR;
 - b) meminimumkan kesan gangguan (*disruptive impact*) oleh teknologi dan modelnya, yang berkemungkinan menjejaskan perniagaan dan rakyat; dan
 - c) memupuk perkongsian dan kerjasama awam-swasta dalam menyokong pendekatan keseluruhan negara (*whole-of-nation approach*).

Jemputan Keahlian MED4IRN

7. YB Menteri Ekonomi menjemput individu berkelayakan untuk menjadi ahli MED4IRN.
8. Syarat permohonan:
 - a) Individu yang berpengalaman dalam pendigitalan dan teknologi 4IR dari agensi swasta, badan bukan kerajaan dan mana-mana individu tunggal penggiat industri;
 - b) Berpengetahuan luas mengenai trend ekonomi digital dan teknologi 4IR di peringkat global, rantau dan dalam negara; dan
 - c) berminat untuk bersama kerajaan dalam usaha membangunkan ekonomi digital dan teknologi 4IR negara.
9. Terma lain :
 - a) keahlian adalah secara sukarela;
 - b) ahli yang dipilih tidak menerima sebarang imbuhan kewangan; dan
 - c) pelantikan adalah sebagai ahli mesyuarat/majlis sahaja untuk tempoh masa yang akan dimuktamadkan kelak.
10. Permohonan boleh di buat melalui pautan <https://forms.gle/7iDYUbshjLmMjNHEA>. Tarikh tutup permohonan adalah pada **2 Jun 2023 (Jumaat)**.
11. Sebarang pertanyaan lanjut boleh dikemukakan kepada MED4IRN@mydigital.gov.my.